



REPUBLIKA E SHQIPËRISË
AUTORITETI I KONKURENCËS
KOMISIONI I KONKURENCËS

VENDIM

Nr. 750, Datë 26.11.2020

“Mbi autorizimin e përqendrimit të realizuar nëpërmjet përfimit të kontrollit të shoqërisë Reyl & Cie SA nga shoqëria Fideuram-Intesa Sanpaolo Private Banking S.p.A.”

Komisioni i Konkurrencës me pjesëmarrjen e:

Znj. Juliana LATIFI	Kryetar
Znj. Leida MATJA	Zv/Kryetar
Z. Eduard YPI	Anëtar
Znj. Adriana BERBERI	Anëtar
Z. Helidon BUSHATI	Anëtar

Në mbledhjen e tij të datës 26.11.2020, shqyrtoi çështjen me:

Objekti: Autorizimi i përqendrimit të realizuar nëpërmjet përfimit të kontrollit të shoqërisë Reyl & Cie SA nga shoqëria Fideuram-Intesa Sanpaolo Private Banking S.p.A.

Baza Ligjore: Ligji Nr. 9121, datë 28.07.2003 “Për Mbrojtjen e Konkurrencës”, i ndryshuar, nenet 2, 10-12, neni 24, germa d, dhe nenet 53-64. Rregullorja “Për zbatimin e procedurave të përqendrimit të ndërmarrjeve”, Udhëzimi “Për formën e njoftimit të përqendrimit”, formulari i njoftimit të përqendrimit dhe Udhëzimi “ Mbi procedurat e thjeshtuara për trajtimin e disa përqendrimeve”.

Komisioni i Konkurrencës, pas shqyrtimit të relacionit të Sekretarit të Përgjithshëm si dhe raportit të Drejtorisë së Analizës dhe Metodologjisë së Tregjeve, mbi njoftimin e përqendrimit të realizuar nëpërmjet përfimit të kontrollit të shoqërisë Reyl & Cie SA nga shoqëria Fideuram-Intesa Sanpaolo Private Banking S.p.A.

VËREN SE :

Transaksioni dhe përqendrimi

Pranë Autoritetit të Konkurrencës, është depozituar njoftimi lidhur me përfitim e kontrollit të shoqërisë Reyl & Cie SA nga shoqëria Fideuram-Intesa Sanpaolo Private Banking S.p.A.

Sipas Marrëveshjes Kuadër dhe Marrëveshjes së Aksionarëve, palët janë:

Pala Blerëse: Fideuram - Intesa Sanpaolo Private Banking S.P.A është një shoqëri e themeluar sipas ligjeve të shtetit italian. Objekti i shoqërisë është ofrimi i shërbimeve këshilluese financiare për të përmbushur nevojat financiare të klientëve të saj.

Fideuram zotërohet plotësisht nga shoqëria Intesa Sanpaolo S.p.A. Intesa Sanpaolo S.p.A është shoqëria mëmë e Grupit Intesa Sanpaolo, një prej grupeve bankare kryesore italiane.

Grupi Intesa Sanpaolo është i pranishëm në Shqipëri, nëpërmjet filialit të zotëruar tërësisht prej tij, Intesa Sanpaolo Bank Albania Sh.A.

Intesa Sanpaolo Bank Albania Sh.A, është një shoqëri aksionar e e themeluar sipas legjislacionit shqiptar. Objekti i shoqërisë është ofrimi i veprimtarive bankare, veprimtarive financiare dhe veprimtarinë e kasave të sigurimit.

Fideuram zotëron 96.91% të kapitalit aksionar të Intesa Sanpaolo Private Bank (Suisse) Morval SA, aksione të cilat pas transaksionit do t'i transferohen targetit.

Target: Reyl & Cie SA është një shoqëri anonime e themeluar sipas legjislacionit të shtetit të Zvicrës. Reyl & Cie SA operon si një institucion bankar. Objekti i shoqërisë është ofrimi i shërbimeve në menaxhimin e pasurisë, menaxhimin e aseteve dhe shërbimet private të zyrës.

Pala Shitëse:

Shitësi 1: Reyl & Cie Holding SA është një shoqëri e themeluar sipas ligjeve të Zvicrës. Objekti i shoqërisë është ofrimi i shërbimeve këshilluese financiare dhe zgjidhje efektive për klientët e saj individë dhe institucional. Shoqëria zotërohet nga Z. François Reyl me 47% të kapitalit aksionar , Z. Charles Reyl me 11.50 % të kapitalit aksionar dhe Znj. Olivia Reyl me 11.50% të kapitalit aksionar . Z. François Reyl është partner shitës në Marrëveshjen e Aksionar evë.

Shitësi 2: RB Participations SA është një shoqëri aksionar e e themeluar dhe e organizuar sipas ligjeve të Zvicrës. Objekti i shoqërisë është ofrimi i shërbimeve këshilluese financiare dhe zgjidhjet efektive për klientët e saj individë dhe institucional. Shoqëria zotërohet nga Z. Pasha Bakhtiar me 18.33% të kapitalit aksionar , Z. Nicholas Duchene me 18.33% të kapitalit aksionar , Z. Christian Fringhian me 18.33% të kapitalit aksionar dhe Z. Lorenzo Rocco di Torrepadula me 18.33% të kapitalit aksionar , të cilët janë partnerë shitës në Marrëveshjen e Aksionarëve.

Shitësi 3: Z. Thomas Fontaine është person fizik, shtetas i huaj, i regjistruar në shtetin zvicerian dhe aksionar i shoqërisë Reyl & Cie SA ku zotëron 2% të kapitalit. Z. Thomas Fontaine është partner shitës në Marrëveshjen e Aksionarëve.

Analiza e konkurrencës

Transaksioni plotëson kriteret e përcaktuara në nenin 10 dhe 12, të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar dhe si i tillë kërkohet autorizimi nga Komisioni i Konkurrencës.

Referuar nenit 3, pika 7, të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar, si edhe Udhëzimit Nr.76, datë 07.04.2008 “Për përcaktimin e tregut përkatës”, tregu përkatës do të konsiderohet tregu i shërbimeve bankare, por duke qenë se transaksioni nuk do të ketë asnjë ndikim në tregun shqiptar si edhe duke iu referuar praktikave të Komisionit Evropian në çështje të ngjashme, tregu përkatës i produktit do të lihet i hapur.

Tregu përkatës gjeografik do të konsiderohet territori i Republikës së Shqipërisë.

Transaksioni i propozuar është përftimi i kontrollit të shoqërisë Reyl & Cie SA nga shoqëria Fideuram-Intesa Sanpaolo Private Banking S.p.A.

Fideuram-Intesa Sanpaolo Private Banking S.p.A është pjesë e Grupit Intesa Sanpaolo. Grupi Intesa Sanpaolo është i pranishëm në Shqipëri përmes filialit të zotëruar tërësisht prej tij Intesa Sanpaolo Bank Albania Sh.A.

Reyl & Cie SA është shoqëria mëmë e Grupit Reyl. Grupi Reyl nuk është prezent në tregun shqiptar dhe nuk realizon të ardhura në Shqipëri.

Përqendrimi nuk do të krijojë mbivendosje ose marrëdhënie të rrjedhës së sipërme apo të poshtme midis aktiviteteve të palëve në nivel kombëtar dh për këto arsye, transaksioni i synuar nuk do të sjellë asnjë ndryshim dhe nuk do të ketë asnjë efekt në tregun shqiptar.

PËR KËTO ARSYE:

Komisioni i Konkurrencës, në bazë të nenit 24, shkronja d dhe nenit 56 pika 1 të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar,

VENDOSI:

1. Të autorizojë përqendrimin e realizuar nëpërmjet përfimit të kontrollit të shoqërisë Reyl & Cie SA nga shoqëria Fideuram-Intesa Sanpaolo Private Banking S.p.A .
2. Ngarkohet Sekretari i Përgjithshëm për njoftimin e palëve dhe dërgimin e vendimit pasi të bëhen pagesat që parashikon rregullorja “Për caktimin e shpenzimeve për ndjekjen e procedurave pranë Autoritetit të Konkurrencës”.

Ky vendim hyn në fuqi menjëherë.

KOMISIONI I KONKURRENCËS